

rem Confraternitatum institui potest etiam *Parochus pro tempore*, ita ut successores non indigeant speciali institutione, sanatis omnibus hucusque propter hunc defectum male peractis.<sup>1</sup>—Et hoc, quod dictum est de Parocho, valet etiam quoad Vicarios Parochi, Cappellanos locorum piorum<sup>2</sup> etc. Dicitur: *ab Episcopo institutus*. Excipe ab hac regula Confraternitatem SS. Rosarii, in qua ex privilegio Rector instituitur a Generali Ordinis. Item pro Confr. in Ecclesiis Regularium erectis ex consensu tacito Episcopi Rector instituitur a Superiore Ordinis. (Ber. ed. 10, p. 491.)—Rector eo ipso quod ab Episcopo est institutus non habet facultatem quoad Rosaria, Scapularia etc. Confraternitatis, sed speciali ad hoc indiget facultate Episcopi, resp. Archiconfraternitatis aggregantis aut Generalis Ordinis.<sup>3</sup> Rector in Officio suo valide suppleri nequit, nisi habeat ab Episcopo facultatem alium Sacerdotem subdelegandi,<sup>4</sup> quam facultatem Leo XIII. 23 Junii 1885 in perpetuum concessit Confraternitatibus B. M. V. et Bonæ Mortis, Confraternitatibus Primariis Romæ aggregatis.<sup>5</sup>—Unde, nisi Rector facultate subdelegandi sit præditus, adscriptio membrorum et benedictio Scapularium, Rosariorum etc. Confraternitatis ab alio facta invalida est. Cæteræ ceremoniæ et solemnitates ab alio peragi possunt.<sup>6</sup> Electio Officialium Confraternitatis, ut Secretarii etc. a Rectore fieri potest jure proprio,<sup>7</sup> nisi agatur de iis, a quibus *etiam* pendet gubernatio Confraternitatis. Tum accedat oportet approbatio Episcopi.<sup>8</sup> Sæpe vero ex statutis electio ministrorum et officialium relinquitur confratribus, ita tamen, ut Episcopus semper electos, quatenus non sint idonei et graves exceptiones patiantur, removere possit.<sup>9</sup>

<sup>1</sup> Decr. de 25 Junii 1887 ap. Ber. p. 907 (494).

<sup>2</sup> S. C. Ind. 3 Dec. 1892 ad iii. ap. *Acta S. Sedis*, xxv. 428.

<sup>3</sup> Decr. n. 270 ad 1, 312 ad 4, 343 ad 1.

<sup>4</sup> Ib. n. 306. Cfr. *Act. S. Sed.* xxvi. 508 ad iii.

<sup>5</sup> Ber. p. 553 (496).

<sup>6</sup> S. C. Ind. 3 Dec. 1892 ad iv. ap. *Acta S. Sedis*, xxv. 429.

<sup>7</sup> Decr. n. 308 ad 2, 312 ad 2.

<sup>8</sup> *Acta S. Sedis*, xxii. p. 596.

<sup>9</sup> S. C. C. in *Asculana* 24 Mart. 1725 ap. *Mon. eccl.* vol. ix. part. i. pag. 194.

### 188.—V. Indulgentiæ.

**a.** Confraternitatibus ab Episcopo jure proprio erectis, si excipias quasdam pias Associationes Confraternitatibus similes,<sup>1</sup> nullæ sunt annexæ, sed obtinendæ sunt, 1. aut *directe* a S. Sede, eo quod (exponendo in supplica ad S. Pontificem finem specialem Confraternitatis, adjectis testimonialibus Episcopi de ejus canonica erectione) vel speciales quædam vel concedi solitæ (supra n. 185, nota iii. ad fin.) petantur.<sup>2</sup> 2. aut *indirecte* per aggregationem ad Archiconfraternitatem hoc jure a S. Sede præditam<sup>3</sup> (cfr. infra n. 189). Indulgentiæ a S. Sede directe acquisitæ cessant, si postea fit aggregatio.<sup>4</sup>

**b.** Actu erectionis canonicæ habent indulgentias a S. Pontifice concessas: 1. Confraternitates SS. Sacramenti,<sup>5</sup> 2. Confraternitates Doctrinæ Christianæ, dummodo una in Diœcesi sit aggregata Archiconfraternitati ad S. Mariæ del Pianto Romæ;<sup>6</sup> 3. Consociatio a S. Familia et 4. Confraternitates a Generalibus Ordinibus vi specialium privilegiorum S. Sedis cum consensu Episcopi aut ab Episcopo vi indulti Ap. erectæ. Quoad Confr. SS. Rosarii cfr. supra n. 185, nota ad fin.—Notandum tamen, Confraternitati *vi indulti* Apostolici erectæ communicari quidem omnes indulgentias et gratias eidem tempore erectionis concessas, non autem eas, quæ correspondenti Archiconfraternitati in futurum conceduntur, nec acquiruntur, si excipias Confr. de SS. Sacramenti et de Doctr. Christ., per talem

<sup>1</sup> *Acta S. Sedis*, i. p. 321, 689 seq.

<sup>2</sup> *Formula*: Beatissime Pater!—In Ecclesia Sanct. . . loci . . . diœcesis . . . canonicè instituta est pia Sodalitas sub titulo Sanct. . . eo fine ut . . . Quo magis Sodalium fervor et devotio augeatur, ipsa Sodalitas humillime petit, ut Sanctitas Vestra eam indulgentiis ditare dignetur, scil. . . Sodalitas prædicta nulli Archiconfraternitati est aggregata neque ab Ordine religioso instituta, sed a Rmo Episcopo N. N. canonicè erecta, ejusque testimonium hisce adjungimus. Et Deus etc. (*ad Sacram Congregationem Indulgentiarum*.—*Romæ Cancellaria Apostolica*.)—Confer n. 195 App. i.

<sup>3</sup> Decr. n. 31, 68, 88.

<sup>4</sup> Ib. n. 48, 64. Cfr. etiam Ber. ed. 10 p. 498.

<sup>5</sup> Ib. n. 13, 192, 308 ad 1 et 4.

<sup>6</sup> Paul V. 6 Oct. 1607, *Decr.* n. 35.

erectionem communicatio bonorum operum hujus Archiconfraternitatis vel Ordinis.<sup>1</sup>

c. Summaria indulgentiarum, numquam a S. Congr. Indulg. approbata, typis evulgare prohibitum est ex regulis Indicis (§ iii. n. 12), nisi accedat licentia hujus S. Congr.; pro aliis, ut pro desumptis ex Brevi Apostolico, sufficit licentia Episcopi, nisi quid in contrarium statutum sit.<sup>2</sup>

d. Indulta quoad *indulgentias* vide n. 193 ad c.

### 189. — VI. Erectio Confraternitatum per Generales Ordinum et earum aggregatio ad Archiconfraternitates.<sup>3</sup>

a. Utraque fieri debet servata Const. Clementis VIII. de 7 Dec. 1604 *Quæcumque*, (quæ habetur ap. *Decr. auth.* pag. 433 et Lucidi vol. iii. p. 543) saltem in substantialibus. Ita Pius IX. 8 Jan. 1861, qui tamen erectiones et aggregationes ex hoc defectu invalide factas eodem die sanavit.<sup>4</sup> Ad dictam Const. non tenentur Congregationes B. M. V. Primariæ aggregandæ.<sup>5</sup>—b. Pro utroque fine adhibenda est *formula præscripta*, saltem in substantialibus<sup>6</sup>—quæ *in singulis casibus* subscribenda est ab eo, qui ad hoc facultatem S. Sedis habet,<sup>7</sup>—et aut inserta aut in folio adnexo addita continere debet præcipua capita dictæ Const. cum variationibus subsequentium Ss. Pontificum.<sup>8</sup>—Unde S. C. Indulg. 3 Dec. 1892 ad ii.<sup>9</sup> erectiones et aggregationes illas qua validas noluit retinere, quæ ob magnam distantiam Moderatoris Archiconfraternitatis aut Superioris Ordinis ita peraguntur, ut formulæ ab his subscriptæ sigilloque munitæ ac in cancellaria Episcopali vel in aliqua domo Ordinis in antecessum depositæ suo tempore a depositario nomen Rectoris diesque data apponatur.—Ab usu prædictæ formulæ dispensatæ sunt Confr. SS. Cordis Jesu et Bonæ

<sup>1</sup> Ib. n. 135, 308 ad 4; Ber. p. 587 (527).

<sup>2</sup> *Decr.* n. 383.

<sup>3</sup> Ber. p. 560 (518) seq.

<sup>4</sup> *Decr.* n. 286 ad 3, 388, 417 et pag. 442. Lucidi vol. iii. 550.

<sup>5</sup> Ib. n. 413.

<sup>6</sup> Eam vide ap. Ber. p. 563 et 565 (504-506) et *Decr. auth.* pag. 465 seq. Lucidi iii. 552.

<sup>7</sup> Ber. p. 579 (518). <sup>8</sup> Ib. p. 562 (505) seq.; *Coll. Prop.* n. 2158.

<sup>9</sup> *Acta S. Sedis*, xxv. 428.

Mortis.<sup>1</sup>—c. Observanda sunt, quæ supra quoad locum, distantiam, statuta, eleemosynas præscripta habentur. Præterea requiritur quoad aggregationem, ut Confraternitas aggreganda nulli Ordini, Instituto vel Archiconfraternitati jam sit aggregata<sup>2</sup> et ejusdem nominis ac instituti sit, cujus est Archiconfraternitas aggregans. Excipe vero Archiconfraternitatem B. M. V. in coelum assumptæ ad animas purgatorii levandas in Eccl. S. Mariæ in Monterone Romæ erectam, cui confraternitates etiam diversi nominis et instituti aggregari possunt, modo suo priori titulo addant: *et pro levamine animarum Purgatorii*.<sup>3</sup>—d. Erectio et aggregatio fieri nequit, nisi *præcedat* consensus Ordinarii cum ejus litteris testimonialibus de Confraternitatis pietate, et (quoad aggregationem) etiam de ejus canonica erectione; neque sufficit, ut Ordinarius in diplomate erectionis vel aggregationis sibi transmissio subscribat: *Vidimus et consensimus* seu *Vidimus et executioni dari permisimus* aut similiter.<sup>4</sup>—Vicarius Gen. has litteras dare potest tantum vi manditi specialis Episcopi mentione ejusdem in litteris facta.<sup>5</sup>—Consensus Episcopi oretenus tantum datus absque speciali indulto non videtur sufficere, sed in scriptis requiritur. (*N. R. Th.* xxv. 150, b et 156.)—e. Confraternitati erectæ vel aggregatæ *expresse* et *in specie* (in Elencho) communicari debent *in perpetuum* omnes indulgentiæ et privilegia omnia Ordini vel Archiconfraternitati instituenti vel aggreganti ad communicandum Confraternitatibus concessa;<sup>6</sup> non vero possunt communicari concessa Ordini qua tali.<sup>7</sup> Unde Ecclesia, in qua Confraternitas cujusdam Ordinis

<sup>1</sup> Ber. p. 569 (509).

<sup>2</sup> Plura Decreta huc spectantia habentur ap. Lucidi iii. p. 550 seq.

<sup>3</sup> Ber. ed. 10, p. 760.

<sup>4</sup> S. C. Ind. 3 Dec. 1892 ad i. ap. *Acta S. Sedis*, xxv. 428. Ex *decr.* S. C. de Prop. F. (pro Sin.) 21 Mart. 1678 (*Coll. Prop.* n. 400) non licet Religiosis cujuscumque Ordinis et Instituti, etiam Societatis Jesu, sodalitia seu confraternitates sub quovis prætextu erigere absque permissione Vicariorum Apostolicorum.

<sup>5</sup> S. R. C. 7 Oct. 1617 (Gard. n. 548); *Decr.* n. 420 et n. 438 et *Rescr.* de 2 Aug. 1888 ap. *N. R. Th.* xx. p. 469.

<sup>6</sup> *Decr.* n. 171.

<sup>7</sup> Ib. n. 6.

est erecta, non potest haberi pro Ecclesia hujus Ordinis.<sup>1</sup> Communicari debent etiam indulgentiæ et privilegia Archiconfraternitati *post* aggregationem concessa.<sup>2</sup> Excipiuntur a communicatione, nisi speciale indultum sit obtentum, privilegia localia altaris,<sup>3</sup> et quædam alia expresse excepta.—**f.** Gratiæ et indulgentiæ Confraternitati communicatæ; quæcumque sint, prævia *cognitione* Ordinarii dumtaxat promulgari possunt. **Recognitio**, de qua *C. Trid.* xxi. cap. 9 *de Ref.*, non amplius requiritur, cum ea jam facta sit ab Episcopo vel Ordinis erigentis vel Archiconfraternitatis aggregantis et insuper summaria nunc approbentur a S. Congr. Ind.<sup>4</sup>—**g.** Litteræ aggregationis et erectionis gratis dandæ sunt; tantum pro expensis et Secretarii labore (prius<sup>5</sup> non ultra unum scutum aureum) nunc non ultra sex scutata romana (30 frs.) recipere licet.<sup>6</sup>

NOTA. I. Omnia et singula sub vi. exposita servanda sunt sub pœna nullitatis erectionis et aggregationis necnon indulgentiarum concessionis; insuper in casu transgressionis Superiores et Officiales inhabilitatem incurrunt quoad Officia in erectione aut aggregatione Confraternitatum, aliasque pœnas, quæ a Summo Pontifice dumtaxat remitti possunt.—Si dein defectus detegitur, pro sanatione ad S. C. Ind. recurrendum est. Tali modo Archiep. (nunc Card.) Quebecensis 9 Maji 1875 a S. Sede, ob dubitationes exortas, ad cautelam obtinuit sanationem erectionum Confraternitatum, altarium privilegiatorum etc. suæ Diœcesis. (Card. Taschereau: *Discipline de Québec* p. 44.)

II. Erectio confraternitatum Ordinibus Religiosis concreditarum fit aut a Generali Ordinis ipso adhibita formula præscripta (ut supra) aut a Sacerdote delegato (juxta dicta n. 185, A. nota i.).—Uti in Confr. SS. Rosarii erectione “prædicatio” fieri *debet* (cfr. n. 202), ita etiam in reliquis solemnitate quamdam cum statutorum explanatione instituere, rationi omnino congruum est (modo, ut infra n. 190, b.).

III. Ex supra dictis necnon ex formulis infra post n. 195 in

<sup>1</sup> Ib. n. 190 et de 27 Apr. 1887 ap. Ber. p. 574 (514).

<sup>2</sup> *Decr.* n. 135.

<sup>3</sup> Ib. n. 135, 171 ad 3, 233 ad 1; *Rescr. auth.* n. 225.

<sup>4</sup> *Decr.* n. 388; Ber. p. 576 (516). *Resp. S. C. Ind.* 20 Maj. 1896 ad ii. ap. *Act. S. Sed.* xxviii. 751.

<sup>5</sup> *Decr.* de 6 Martii 1608.

<sup>6</sup> Ber. 563 (517) seq.

Appendice appositis perspicuum est, quid Parochis aliisque in erectione et aggregatione Confraternitatum, ut valide fiant, observandum sit.

### 190.—VII. Receptio fidelium in Confraternitates.

**a.** Receptio canonica in Confraternitatem (seu admissio, adscriptio, investitio)<sup>1</sup> est species contractus, in hoc consistens, ut volens admitti suam intentionem manifestet habenti facultatem recipiendi, hic vero legitimo modo externe sive verbis sive actu in ejus admissionem consentiat. Invalide ergo inscribuntur Confraternitatibus ii, qui id omnino ignorant aut jam defuncti sunt.<sup>2</sup>

**b.** Modus receptionis consistit *regulariter*: 1. in *inscriptione nominis* in registro Confraternitatis, quod apud Rectorem custodiendum est. Inscriptio nominis in omnibus Confraternitatibus proprie dictis *per se* necessaria est.<sup>3</sup> Materialis inscriptio fieri potest a quocumque, dummodo postea accedat receptio facultatem habentis;<sup>4</sup>—2. in *formula* cujusdam pronunciatione et quodam *ritu*, ut Scapularis impositione etc.—Formula præscripta quoad substantialia de valore servanda est in receptione in Confraternitates Scapularium;<sup>5</sup> in aliis Confraternitatibus ea habetur in statutis, aut ex generali modo recipiendi in Confraternitates hic addito ad libitum desumi potest. Receptio tamen in Confraternitatem Scapularis per se est actus diversus a benedictione et impositione Scapularis, etiamsi regulariter, si ad utrumque habeatur facultas, uterque actus eodem tempore fiat et quando impositio Scapularis, quod signum est Confraternitatis, perficitur ab habente facultatem, ea valeat pro receptione in Confraternitatem.

#### *Formula pro receptione solemniter in confraternitates.*<sup>6</sup>

Adscribendi genuflectunt ante scamnum communicantium, candelam in manibus tenentes. Sacerdos facultatem habens,

<sup>1</sup> *Decr.* n. 298 ad 2 et passim in *Rescr. auth.* Cfr. Ber. ed. 10 p. 528.

<sup>2</sup> *Decr.* n. 158 et S. Off. 13 Dec. 1876 ap. Ber. p. 602 (539).

<sup>3</sup> *Decr.* de 16 Julii 1887 ad iv. ap. Ber. p. 908 (535).

<sup>4</sup> *Decr.* n. 331.

<sup>5</sup> *Decr.* n. 329 ad 3 et n. 421 ad 2, et *Decr.* de 27 Apr. 1887 ap. Ber. p. 593 (533).

<sup>6</sup> Ber. p. 886 (iii. 28).

superpelliceo et stola indutus ante altare flexis genibus incipit: *Veni Creator Spiritus et Deus qui corda fidelium*, dein versus adscribendos dicit: *Auctoritate mihi concessa ego te (vos) recipio et adscribo Confraternitati (SS. Sacramenti vel SS. Cordis etc.) teque participem (vosque partipes) facio omnium gratiarum, indulgentiarum, privilegiorum; bonorumque spiritualium ejusdem Confraternitatis. In nomine P. et F. † et Sp. S. Amen.*—Postea recitatur aut cantatur hymnus *Te Deum*, et nomina receptorum inscribuntur in albo Confraternitatis. Receptione peracta ordinarie benedicuntur Rosaria etc.

c. Ulterius notanda sunt sequentia:

1. Receptio fieri debet *gratis*. Quoad contributiones autem confer quæ dicta sunt supra n. 186.

2. Receptio *semel valide facta valet pro semper*,<sup>1</sup> nisi quis expresse, ex Confraternitate egressus, ei renunciaverit. Usus membra singulis annis conscribendi et denuo recipiendi nuper Romæ rejectus est.<sup>2</sup>

3. *Traditio diplomatis* aut testimonii adscriptionis, quamvis universaliter fere in usu, non requiritur, nec supplere potest inscriptionem in libro Confraternitatis.<sup>3</sup>

d. *Quis potest recipere?* Resp. 1. Ordinarie Rector Confraternitatis tantum aut ejus substitutus aut alius ab Episcopo ad hoc delegatus; in consociatione a S. Familia autem solus parochus proprius aut per se aut per sacerdotem ad hoc a se electum, ita ut nec adscriptio directoris Diocæsani independentem a parochia facta valeat.<sup>4</sup>—2. Extraordinarie: qui a S. Sede aut a Superiore Ordinis vel Archiconfraternitatis ad hoc facultatem accepit.<sup>5</sup>

NOTA. Facultatem, “adscribendi Confraternitatibus et Sodalitiis Romæ existentibus, cum applicatione omnium et singularum Indulgentiarum et Privilegiorum, quæ Summi Pontifices memoratis Confraternitatibus et Sodalitiis impertiti sunt: necnon benedicendi et imponendi quinque Scapularia ac utendi quoad quatuor ex illis unica formula, servato novissimo Decreto Sacræ Congregationis Indulgentiarum”—habet etiam noster Excellmus D. *Delegatus*

<sup>1</sup> *Decr.* n. 379.    <sup>2</sup> *Ber.* p. 598 (536) ad 5.    <sup>3</sup> *Ber.* p. 597 (536).

<sup>4</sup> *Ex* Ædibus Vicariatus Urbis 12 Dec. 1893 ap. *Act. S. Sed.* xxvii. 61, 63.

<sup>5</sup> *Ber.* p. 589, 590 (529).

*Apostolicus* perdurante ejus commoratione in Statibus Fœd. Americæ septentrionalis, sed, ut videtur, pro sua persona tantum.

191.—c. *Quis potest recipi?* Resp. 1. Quicumque fidelis, cupiens finem Confraternitatis consequi, postulat ut recipiatur. Ideo defuncti recipi nequeunt, nec pueros ante usum rationis recipere universim expedit,<sup>1</sup> licet quoad Scapulare et receptionem in Unionem S. Infantia S. Congr. id permiserit.<sup>2</sup> Attamen habens facultatem adscribendi ad aliquam confraternitatem adscribere potest etiam seipsum, si facultatem habeat *indiscriminatim*, et non tantum *taxative*. (S. C. Ind. 16 Julii 1887 ap. *Act. S. Sed.* xx. 63.)

2. De jure<sup>3</sup> non possunt adscribi *absentes*, et requiritur *personalis* adscribendorum *præsentia*. Hoc tamen per declarationem de 26 Nov. 1880<sup>4</sup> ita explicatum est: *α.* In Confraternitates pro certa tantum Diocæsibus aut regione erectas fideles, qui extra earum limites commorantur, nequeunt recipi. In consociationem a S. Familia, cum sit parochialis, solum qui in parochia saltem quasi-domicilium habent, recipi possunt.<sup>5</sup> *β.* In Confraternitates universales recipi possunt omnes, qui quocumque in loco coram facultatem adscribendi legitimam, etiam delegatam tantum, habente personaliter præsentem sunt; non autem sufficit, generatim loquendo, præsentia moralis per litteras aut interpositas personas. *γ.* In illis Confraternitatibus, quæ collegialiter constitutæ sunt et in adscriptione certam formam aut ritum observare tenentur, ut impositionem habitus, Scapularis etc., earum Moderatores horumque delegati in casibus singularibus dispensare possunt a statuta forma inter præsentem et ita per exceptionem absentes adscribere. Quæ vero

<sup>1</sup> *S. Inquis.* 13 Dec. 1876 ap. *Ber.* p. 602 (540). Juxta hoc decretum S. C. Ind. 14 Aug. 1889 declaravit, fideles non posse post eorum mortem adscribi alicui sodalitati ad effectum, ut suffragiis potiantur, quibus post obitum gaudent ii, qui adhuc viventes ei nomen dederunt. Excipe Confraternitatem SS. Rosarii, in quam ad dictum effectum ex Privilegio Alex. VI. etiam defuncti recipi possunt. *Mon. eccl.* vol. ix. part. i. pag. 164.

<sup>2</sup> *Decr.* n. 410.

<sup>3</sup> *Ib.* n. 226 et 437.

<sup>4</sup> *Ib.* n. 453; *Ber.* p. 599 (537).

<sup>5</sup> *Ex* Ædibus Vicariatus Urbis 12 Dec. 1893 ap. *Act. S. Sed.* xxvii. 63.

ad talem formam non tenentur, adscribere possunt absentes per intermedios promotores, qui juxta approbatas earum leges subdelegatam facultatem adscribendi habere debent.—Quodsi nec hoc fieri possit, indultum apostolicum impetrandum est, vi cujus absentes per litteras aut interpositas personas, quæ eos repræsentent, adscribi valeant.—Si demum finis alicujus Sodalitatis præcipue per magnum adscribendorum numerum obtinendus est, etiam absentes adscribi possunt.  $\delta$ . Porro exceptiones speciales vel ob probata quarundam Sodalitatum statuta, quæ absentium etiam inscriptionem includere aut supponere aut flagitare videntur, vel ob privilegia et dispensationes concessas, rata habentur.  $\epsilon$ . Denique absentium usque ad 26 Nov. 1880 irritæ inscriptiones sanatae sunt.

3. Si quis habet facultatem extraordinariam recipiendi fideles in aliquam Confraternitatem, ea regulariter uti non potest *a. nisi in locis*, ubi illa Confraternitas non est erecta nec Conventus Ordinis (exceptis Conventibus Monialium) existit, ad quem Confraternitas pertinet, et *\beta. nisi sub conditione* ut nomina receptorum in privato regesto, quod penes se habere debet, inscribat et quamprimum commode potest, transmittat ad Confraternitatem pro eorum inscriptione in albo Confraternitatis<sup>1</sup> “aut ad proximiorum domum Religiosam respectivam, si de Confraternitatibus agitur, quæ Regularis cujusdam Ordinis auctoritate fuerint erectæ.”<sup>2</sup>—Ad quod notandum: “Si quando ob ingentem fidelium aggregandorum numerum aliave ratione contingat eorum in albo recensioem difficultatem Sacerdoti cooptanti facessere, tunc designare is poterit unam vel plures . . . personas, quæ fidelium nomina scripto referant in catalogum, quem ipse postea subsignabit, et ad proximiorum Confraternitatem seu domum Religiosam . . . transmittat.”<sup>3</sup>—Illi, qui a Sacerdote, facultatem legitimam habente, in privato registro inscribuntur, juxta Decr. S. C. Ind. de 12 Dec. 1893, ipso die hujus inscriptionis lucrari possunt indulgentiam plenariam pro die inscriptionis in albo Confraternitatis concessam, et prout videtur sequi ex Decr.

<sup>1</sup> Decr. n. 428 ad 1.

<sup>2</sup> S. Congr. de Prop. Fide 30 Jun. 1889 ap. *Past. Bl.* 1889 p. 132.

<sup>3</sup> S. C. de Prop. Fide l. c.

de 13 Nov. 1893, etiam quoad reliquas indulgentias et gratias proximi temporis perfecta membra Confraternitatis sunt, independenter a Sacerdote inscribente, cui firma manet obligatio, nomina transmittendi, ut supra.<sup>1</sup>

192.—Dicitur n. 190 b. et 191, 3 *regulariter* i. e. a. *præcisa dispensatione*. Talem e. gr. obtinuerunt PP. *Redemptoristæ* quoad quatuor Confraternitates, quibus Scapularia sunt concessa, et in quas secundum morem S. Fundatoris<sup>2</sup> obtentis ad hoc a respectivis Generalibus Ordinum facultatibus fideles recipere solent. Possunt scilicet<sup>3</sup> I. his Scapularibus investire etiam in locis, ubi Conventus respectivorum Ordinum existunt, II. sub unica impositione omnium quatuor simul junctorum et unica formula eis indulta, quæ cum substantialia ex Rituali resp. Ordinum contineat, valide quidem, at (absque indulto S. Sedis) *illicite* etiam ab aliis adhiberi potest;<sup>4</sup>—III. concedere, ut si multitudo investiendorum adsit, singuli Scapularia antea benedicta sibi ipsi imponant;<sup>5</sup>—IV. ita ab eis investiti valide in respectivas Confraternitates sunt recepti et omnibus earum indulgentiis et gratiis fruuntur etiam absque inscriptione nominum,<sup>6</sup> et V. benedictio primi Scapularis valet pro omnibus subsequenter assumendis (etiam relate ad illud SS. Trinitatis).<sup>7</sup>—Quoad Scapulare B. M. V. de Monte Carmelo supplicanti P. Generali Carmelitarum 30 Apr. 1838 concessum fuit,<sup>8</sup> ut receptio etiam sine inscriptione nominum valide fieri possit. Hoc indultum 27 Apr. 1887 revocatum est,<sup>9</sup> ita ut facultatem habens nomina in registro suo conscripta saltem semel per annum debeat ad proximam Confraternitatem aut proximum Conventum Carmelitarum transmittere. Sufficit ea transmittere ad proximum Conventum Monialium de Monte Carmelo.<sup>10</sup>—At vero PP. *Redemptoristæ* hac revocatione minime tanguntur, cum indultum eis concessum jam sit ex Decr. S. R. C. de 8 Jan.

<sup>1</sup> *Past. Bl.* 1893, p. 48 et 1894 p. 19; Ber. ed. 10, p. 804.

<sup>2</sup> St. Alphonsus: *Glories of Mary* (Grimm), Benziger, 1887, vol. ii. page 155.

<sup>3</sup> Documenta cfr. ap. Ulrich: *Trésor spirituel*, Paris, 1863, p. 137-144.

<sup>4</sup> *Rescr. auth.* p. 680 ad 3.

<sup>5</sup> Ulrich l. c. p. 141.

<sup>6</sup> Ulrich l. c. et Decr. n. 350.

<sup>7</sup> Ulrich p. 143.

<sup>8</sup> Decr. p. 470.

<sup>9</sup> Ber. p. 718 (532).

<sup>10</sup> Decr. n. 309.